

Protocol “Iluminacion y Siguridad den Bario” firma na Sabana Grandi

ORANJESTAD – “Den tur nos bishitanan cerca e pueblo dos cos ta resalta den nan peticionnan cu ta, luznan den bario y asfalt,” di e manera aki Prome Minister Mike Eman, den un ceremonia diamars mainta, a splica e motivo tras di firmamento di un protocol entre ELMAR NV y Gobierno. Un documento cu ta especifica un plan pa instala puntanan nobo di iluminacion den barionan di Aruba. E ceremonia pa inicio di ehecutacion di e plan “Iluminacion y Siguridad den Bario”, a tuma luga na cas di famia Deluvia na Sabana Grandi. Aki un pareha di edad ta biba, un tiki aleha for di demas casnan. Durante un bishita di bario, e pareha sumamente preocupa pa nan siguridad a haci un apelacion na e mandatario pa pone luz den e area, ya cu anochi nan cas ta den un scuridad total. “Nos a priminti y awe nos tey pa cumpli,”

Prome Minister Eman a bisa dilanti cas di famia Deluvia.

Consejo di Minister a instala un comision cu yama “Comision Iluminacion Aruba”, cu a traha un analisis di e situacion critico na Aruba pa loke ta iluminacion. Cu e documento aki, a acerca Minister Dowers pa cooperacion, ya cu Departamento di DTI cu ta cay bou di dje, ta esun responsabel pa e parti di e proceso pa iluminacion di caya y barionan. “E ta un di e prioridadnan tambe di Minister Dowers, ya cu pa siguridad, iluminacion riba caya y den barionan ta masha importante,” Eman a bisa den su discurso.

Pero ehecutacion di e programa di iluminacion di Aruba no por a bira realidad sin cooperacion di Utilities NV y ELMAR NV. Durante varios reunion a yega na un acuerdo riba un relacion estrecho en-

tre Gobierno, Utilities NV y ELMAR NV pa ilumina e barionan mas tanto posibel. Hopi ta e peticionnan cu Gobierno a ricibi for di gruponan di habitante di diferente bario. E mandatario a enfatisa cu e plan di iluminacion di Aruba ta pa e famianan sinti nan mas sigur pero alabes brinda un miho calidad di bida den hopi di e barionan unda iluminacion ta ausente.

Premier Eman a gradici famia Deluvia pa duna Gobierno e oportunidad di por cuminsa cu e programa di iluminacion dilanti di nan cas “ya cu esaki ta un di e simbolonan di e areanan na Aruba cu tabatin mester di e atencion aki.” E mandatario a recorda un bishita di bario algun siman atras den Sabana Grandi, unda cu na practicamente tur cas e peticion tabata pa pone mas luz di caya. Tur siman Prome Minister Eman hunto cu su Team



Director di Elmar Robert Henriquez hunto cu Prome Minister Mike Eman.

BoBario ta pasa den barionan di Aruba pa scucha e preocupacion y peticionnan. Minister Dowers, kende tambe tabata presente pa firma e Protocol, a expresa su satisfaccion cu poco poco ta logra trece mas iluminacion na Aruba, principalmente di bario, pero tambe cu esaki-

nan ta LED-lights, cual taifica cu gastonan di coriente ta baha y e placa por wordo uza pa henter Aruba beneficia di un miho iluminacion. “Denter di algun luna comunidad lo mira un diferencia grandi den e situacion di iluminacion,” Minister Dowers a finalisa bisando. □